



Javno preduzeće "Grijanje" d.o.o. Zenica, Bilnišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu članova 70., 71. i 89. stav (3) Zakona o javnim nabavkama („Službeni glasnik BiH“ broj 39/14, 59/22 i 50/24 – u daljem tekstu: Zakon), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj 7290/25-AS od 09.07.2025. godine, Uprava Javnog preduzeća „Grijanje“ d.o.o. Zenica, donosi:

## **O D L U K U** **o izboru najpovoljnijeg ponuđača**

### **I**

„GRUNT Invest“ d.o.o. Zenica, Odmut 11, 72000 Zenica, bira se za najpovoljnijeg ponuđača u postupku nabavke roba – **Kuglasti ventili** putem konkurentskog zahtjeva za dostavu ponuda, Obavještenje o nabavci sa portala javnih nabavki broj: 1091-7-1- 198-3-15/25 od 28.05.2025. godine.

### **II**

Odabrani ponuđač iz tačke I. ove odluke, dužan je dostaviti dokaze o ispunjavanju uslova lične sposobnosti iz tačke 5.1. Tenderske dokumentacije u roku od **5 (pet) dana** od dana prijema ove odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Ugovor o nabavci roba – Kuglasti ventili, a najkasnije u roku od 10 (deset) dana od dana prijema ove odluke.

### **III**

Ova odluka objavit će se na web stranici Javnog preduzeća „Grijanje“ d.o.o. Zenica.

## **O b r a z l o ž e n j e**

Dana 28.05.2025.godine, ugovorni organ je sačinio tendersku dokumentaciju broj 5482/25-AS za nabavku roba – Kuglasti ventili, putem konkurentskog zahtjeva za dostavu ponude, procijenjene vrijednosti 40.000,00 KM.

Na osnovu Obavještenja o nabavci broj 1091-7-1-198-3-15/25 od 28.05.2025. godine, objavljenog na Portalu javnih nabavki ejn.gov.ba, ponudu su blagovremeno dostavila tri ponuđača, i to:

„VENTCOMMERCE“ d.o.o. Sarajevo, sa ponuđenom cijenom od 40.000,00 KM;

„GRUNT Invest“ d.o.o., Zenica, sa ponuđenom cijenom od 37.456,00 KM i

„CT-TRADE BiH“ d.o.o. Tuzla, sa ponuđenom cijenom od 39.998,04 KM.

U toku pregleda i ocjene pristiglih ponuda, provjerom dostavljene dokumentacije u skladu sa uslovima tenderske dokumentacije, Komisija ugovornog organa je ocijenila da su ponude ponuđača „GRUNT Invest“ d.o.o., Zenica i „CT-TRADE BiH“ d.o.o. Tuzla **PRIHVATLJIVE**. Ponuđač „VENTCOMMERCE“ d.o.o. Sarajevo nije dostavio tehničku dokumentaciju kako je traženo tenderskom dokumentacijom, odnosno Izjavu o usaglašenosti proizvoda prema PED direktivi 2014/68/EU je dostavio u vidu kopije koja nije ovjerena od nadležnog organa, zbog čega je ponuda ocijenjena kao **NEPRAVILNA**.

Tenderskom dokumentacijom je predviđeno provođenje e-aukcije. Dana 02.07.2025. godine zakazana je e-aukcija za dan 07.07.2025. godine sa početkom u 09:00 sati. Nakon završene e-aukcije, daje se tabelarni pregled – rang lista prihvatljivih ponuda ponuđača kako slijedi:

RB.	NAZIV PONUĐAČA	VRIJEDNOST PONUDA BEZ PDV-a (KM)	RANG
1.	„GRUNT Invest“ d.o.o. Zenica	36.900,00	1.
2.	“CT-TRADE BiH” d.o.o. Tuzla	37.000,00	2.

Shodno naprijed navedenom, Komisija za nabavke daje **PREPORUKU** ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača „GRUNT Invest“ d.o.o. Zenica, Odmut 11, 72000 Zenica, kao najpovoljnijeg za predmetnu nabavku, te da odabranom ponuđaču ponudi zaključenje ugovora o nabavci roba – Kuglasti ventili.

Imajući u vidu navedeno, donesena je odluka kao u dispozitivu.

**PRAVNA POUKA:** Protiv ove odluke može se izjaviti žalba Uredu za razmatranje žalbi BiH u dovoljnom broju primjeraka putem ugovornog organa, lično ili preporučenom poštom, u roku od **5 (pet) dana** od dana prijema iste.

Broj: 7335 /25-AS

Datum: 09.07.2025. godine.



v.d. Direktor

Rizvić Edin, dipl. ecc.

**DOSTAVITI :**

3x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove (A.S.)